

雙雲堂傳集

函清館詩草



雙雲堂傳集



函清館詩草

計四卷



草

序

函清館詩四卷退白居士詩一卷范半村先生著函清係先世別業久廢而仍其名誌不忘祖也退白乃其晚號先生爲雍正癸丑翰林商河令西屏先生第三子世席清華夙承家學弱冠補諸生旋餼於庠登乾隆癸酉賢書丙戌成進士以大挑二等先補嘉興府學教授仍以知縣歸部銓選初任山西石樓縣知縣調繁徐溝歷署介休永和臨汾樂平鳳臺各縣知縣陞朔州知州署解州直隸州知州卒於官政績詳先生同年蔣公兆奎所著傳函清集自少壯居鄉及隨任商河歷仕嘉興山西諸詩俱在其中退白集亦不盡屬晚年之作未識分編何意原稿如此未敢竄易附識數語如右陳勸題

雙臺集

函清館詩草序

一

天  
尺  
氏  
圖

函清館詩草卷一

甬上范永澄 半村

己未元日卽事

飲罷屠蘇酒春風拂檻斜  
荒城稀爆竹斗室自煎茶  
積雪逢新霽寒梅未放花  
團圓承膝下忘卻在天涯  
和卣眉山先生清明日喜見桃柳韻二首  
幾多花卉豔陽春如許  
風光溷俗塵桃柳不因南北  
異新紅嫩綠也精神

數枝斜插小窗前回首江鄉意  
悵然想到雙湖當此

雙臺堂集 函清館詩草 卷一

際沿堤紅錦拂輕煙

故鄉日月兩湖桃柳極盛

深秋對月獨酌

木犀香老玉輪圓  
葵扇芒屨坐晚天  
一曲輕歌消麴蘗  
滿腔旅思對嬋娟  
非關有恨愁偏許  
不解悲秋病亦纏  
遙憶故鄉燈火節  
頓教觸緒又情牽

遊趵突泉二首

漫誇風景西湖好  
趵突芳名擅濟南  
清冷謀人殊不

惡絕勝印月水三潭

西湖十景有三潭印月

苔蘚叢生護碧灘  
矗天水勢更漫漫  
若教四面堆巖

石便作廬山瀑布看南正薄矣雅管具詩數其賦

雲樹蒼茫煙岫妍丈人峰上草芊芊俯臨華鵲畿相

接遙望蓬萊勢欲連滿眼黃塵遮去路打頭紅葉逐

歸鞭四明山色依稀似頓覺鄉心起陡然南旋

驢背口占業復何有惟冀弟若兄依依其相

風塵擾攘客途邊困頓征人久執鞭同是四明山畔

客羨他騎馬似乘船夜宿濟甯次驛壁韻

夜宿濟甯次驛壁韻八坐

跋涉何曾經歷慣驅馳偏久坐征鞍無多日子途中

過如許秋光馬上看爲客底須憎作客有官誰道勝

無官時家大人關山風景真堪愛曷用興歌行路

難以病乞休

將曉渡揚子江

飄來一葉等浮萍水勢連天浪未平帆影乍侵風影

亂波光長接月光明洪濤澎湃金山寺煙霧迷離鐵

甕城從此吳江知不遠前行好聽櫂歌聲

二兄虛舟客江南五載矣郵寄長句速其旋歸

手足悵分離望風意良厚曩謂暫相違詎竟別許久  
屈指五年多不堪頻回首憶昔家居時爾我相愛友  
團圓環膝前曾弗離左右小園養花竹竝栽桃與柳  
讀書在擷香樓名豪情及詩酒繼君往須江我亦隰沃  
走老父作琴堂折腰慙五斗爰賦歸去來南旋挈子  
婦宦囊旣蕭然舊業復何有惟冀弟若兄依依共相  
守庶幾高年人顧之開笑口胡爲久不歸倚門傷老  
母高堂常念兒兄亦念親否

新竹

雙雲室集 園清館詩草 卷一

三

連年萍梗寄山東千畝依依入夢中歸對此君猶昔  
日伴余瘦影坐清風籜龍解拆當朱夏春蚓縱橫倚  
碧空自此良宵甯索莫琤琤靜聽玉玲瓏

中秋對月和韻

天涯幾度遇中秋蕭索時增客子愁猶憶去年今夜  
裏滿船明月泊高郵

秋夜

虛檐鈴索趁秋風庭際蕭蕭落葉紅一派寒蛩霜滿  
地數聲長笛月當空

寄虛舟絕句三首

親在如何事遠遊倚門晨夕盼歸舟天涯不禁頻回首屈指睽違幾度秋  
故園松翰忻無恙久客容顏想已非畱得就荒三徑在秋光堪賞待君歸

起一葉長江早放船

題友人老少年冊

少年全未識風流不惜春光卻愛秋漫道好花羞白

雙雲堂傳集 函清館詩草 卷一

髮似斯宜上老人頭

偶成

醉眼昏花似老人藤牀小閣病纏身雪窗寂坐甯知夜靜室焚香自有春世事近來參已透交情今始認非真贈袍雅意誰承望畱得青氈共我貧

送家大人之閩中

乍辭枳棘慰尊鱸纔罷車塵又舳艫愧殺兒曹空繞

膝竟將反哺讓慈烏

水龍津是舊遊此行應好帶扁舟只嗟宦況今寥

寂恐上鑪峰滿目愁

雨後同李大月波家文虎虹橋閒眺

雨過招邀一二人小橋坐看滿湖春桃夭樹樹紅成  
陣草碧叢叢軟似茵水漲十洲盈畫檝泥融三島靜  
芳塵何當月出沿堤去逸老堂前拜季真

寒食東山卽事

麥飯椒漿拜掃忙籃輿嘍嘍上高岡兼旬春雨溪流  
漲遍野松花菜子黃坐看鶴來山名心自遠行愁鵝頸

嶺名路偏長老翁指說玄廬地

世祖自題墓曰玄廬

仙子當年舊

雙雲傳集 兩清館詩草 卷一

五

講堂

墓基爲鬼谷子講堂

秋日同人望山樓閒眺

賣魚橋畔人家好發興憑高共倚闌紅葉落時山色  
淨白雲深處雁聲寒一簾秋水當窗漾兩岸煙波作  
畫看試待夜來明月上再乘清景步河干

題四弟季到小照

綠陰深處甚相宜讀罷潛心對小池養得雙桐長百  
尺看君飛向最高枝

駒隙匆匆最易過嗟余歲月漫蹉跎紫衣卅角真堪

羨切莫優游似阿哥

辛酉除夕

是日立春

此日春方到今年夕又除窮非無可送空已不勝書  
漸怕看新曆何堪憶故余呼罇期一醉回首免唏噓

二十初度

屈指乾坤內居然二十春生吾應有意底事弗如人  
食粟身何益請纓願未伸家貧親漸老那得不眉顰

詠跋弗倒

限新字

紙糊成閣老傀儡案頭陳花面添塗巧紅袍裝束新

雙靈菴集

函清館詩草  
卷一

六

折腰羞俗吏屈膝愧時人任爾相排擠難傾卓立身

詠跳虎

限軀字

妝就山君態依稀猛獸軀將鬢威竟減履尾力全無  
皮已難蒙馬形方欲負嵎櫻鋒吾亦敢馮婦又奚須

山遊卽景三首

步入深林靜不譁參差雲樹傍農家春風作意憐遊

客開遍山山謝豹花

牽衣連袂上層巒柳媚花明飽眼看杏雨沾身渾欲

溼松風吹面幾曾寒

峰迴路轉且休休坐向溪傍看水流僻徑似無人迹  
到隔籬雞犬也優游

詠秋海棠

河神逢洛浦小雨助新妝嗅到無香處原來別有香

蛟川舟次

一櫂順流行隨波蕩漿輕雨餘潮水瀏雲破日光明

帆飽風方急舟狂浪未平候濤山色好煙岫遠相迎

登招寶山

穿林攀石踏蒙茸直上平倭第一峰

山頂立石題曰平倭第一峰傍

雙臺堂集 雨清館詩草 卷一

七

刻王荆公書也海闊更無煙岫出天空只有白雲濃蛟門風

靜波猶撼龍洞潮來水自春臨覽匆匆看不盡暫時

開我俗塵胸

哭華月麓

死別最傷神知交誼更親半年長聚首一病頓亡身

寂寞畱殘卷淒涼憶故人那堪風雨夜重過月湖濱

余與月麓共事叔父硯池先生讀書李氏雙桐齋

同筆硯者半載而月麓病旋舍去明年病愈爲餽

口計授徒於西湖之聞氏聞氏與雙桐齋相隔數

步得晨夕過從故余與月麓交雖未久而相知則甚深也年十九補博士弟子員以歲試列前茅例得食餼乃以病革不及待悲夫歿之月友人李半江旣爲文弔之因命諸友各以詩輓吟成泣下不禁爲之長太息云并識

閨情十二首

燈輝月皎慶新年寂寂妝臺轉自憐  
隻影欲隨獅子化孤幃空羨兔兒圓

澹滄春光二月天花花草草鬪嬌妍  
東風漫向珠簾

拂下卻羅幃只晝眠

喃喃燕子又歸棲  
嚙嚙鶯聲不住唳  
春睡方酣驚乍

醒何曾有夢到遼西

杜鵑聲裏報春遲  
柳絮飛飛春色移  
春去固知來有

日征人歸日是何時

艾虎蒲人隨處張  
榴葩耀日報端陽  
閨中空貯絲千

縷續命緣何不續腸

離愁怕值三三月別緒祇憑六六魚  
無限衷腸常欲

剖倩誰相寄一封書

苦雨淒風飲泣辰樓頭少婦暗傷神鵲橋妬殺佳期  
近只渡雙星不渡人  
金粟離離秋氣橫玉輪皎皎晚風輕花前月下長相  
憶憶與郎曾攜手  
雁聲嘹唳九秋天繫足曾聞把信傳妾亦有書無處  
寄可能寄得到郎前  
小春天氣轉晴和較勝深秋蕭颯多擁著黃棉思塞  
外知郎也得負暄麼  
夜長如許歲將殘一綫初添日影寬遙想天涯滋沆  
漉敝裘可禦朔風寒  
去時楊柳正依依人未來思雪又霏點得消寒圖欲  
盡如何尚不賦旋歸

寒夜書懷用蔣柳汀苦寒韻

燈影坐將殘攤書忘夜闌手龜疑指墜毛豎覺心寒  
世事三冬促人情半紙看綈袍誰肯贈自顧發長歎

壬戌除夕和大兄竹窗

歲亦何能守徒增太息聲自嗤年又長終愧學無成  
寥落悲除夜窮愁困後生欲眠眠不去聊復剔孤檠

詠雪和竹窗

穠穠厚澤祝盈車  
髣髴鵝歸逸少家  
灑急空庭迴舞蝶  
壓殘老榦凍棲鴉  
藍田煙冷仙人玉  
瓊樹光搖天女花  
閉戶生涯真冷淡  
擁鑪無語手徒叉

生朝口號

廿年一載又臨頭  
夫子蓬心漸欲收  
少賤羞逢下車揖  
長貧愧作執鞭求  
狂名較昔偏多有  
素願於今尚莫酬  
強對菱花聊自慰  
容顏如此底須憂

東風上巳前一日雪

雙靈菴集函清館詩草  
卷一

十

東風失勢冷頻加  
六出花方陣陣斜  
著地看來甯有迹  
漫天舞處卻無涯  
包含桃柳藏春色  
妝點乾坤傲物華  
明日蘭亭修禊事  
分題詠雪興逾傲

上巳同竹窗泛舟南湖再用前韻

春來湖上景交加  
掠破浮萍一葉斜  
姹紫嫣紅新世界  
尋山問水舊生涯  
梨花帶雨含春色  
柳絮翻風趁雪華  
掛得杖頭錢足百  
前村有酒不須賒

雨中懷蔣四柳汀

空庭小雨冷花魂  
一片苔痕綠到門  
謝客自繙書數

卷期君久貯酒盈樽固知覲面無多語不是同心與  
孰論莫負春光盛如許何時遊屐踏西村

春色開無限花王豈等閒千層裁琪壁一捻印朱殷  
豔壓張郎貌嬌欺卓氏顏看他富貴氣終是未曾刪  
未齊清明卽景同竹窗限韻谿西雞齊嘯

岸岸垂楊映碧谿踏青閒過野橋西豪門餉遺爭鏤  
卯城市紛紜競鬪雞隱約錫簫隨處有喧闐社鼓萬  
家齊中田農務從茲急布穀聲聲隴畔嘯

雙雲傳集 函清節詩草

卷一

七

遲李月波半江蔣娥楚柳汀不至再疊前韻

擬乘佳景繞芳谿底事羈人日漸西有約不來同試  
馬多情空自爲烹雞花開小院春無主甕熟新醪客  
未齊坐向綠陰深處久幾回聽罷鷓鴣嘯

賦得山風拂蘿衣

絕頂微風起依依動薜蘿穿巖蒼色亂繞樹綠絲多  
妙舞霏新柳輕颺翦素羅采樵歸去晚翠影落長坡  
得論賦得萬綠叢中一點紅

嘉種移來安石國芳名長擅玉堂中蕃昌早露千叢

碧妖豔先呈一捻紅  
隱約詎云能矐日玲瓏也竟欲  
燒空半山詩句真堪憶  
春色依稀點綴工夫未盡心

秋夜獨坐李氏耕讀堂

獨坐閒階數雁歸  
高天爽氣欲侵幃  
薄雲幾片月初

上短草一叢螢亂飛  
良友不來清興減  
故人有約賞

心違

月波約遊  
光溪不果

最憐三五秋光好  
應許湖濱夜叩扉

月波有中秋  
泛湖之約

李大月波有弄瓦之喜戲贈

萬事羨君一半足  
鼓琴已有辨絃人  
應知不是鄒光

雙雲堂傳集  
函清館詩草  
卷一

三

大爲卜來年產石麟

秋夜河干獨步

久不臨流坐釣磯  
偶因步月出柴扉  
砧聲忽逐秋風

起隔岸人家夜擣衣

同月波半江娥  
埜柳汀暨家季登城踏月三疊

前韻

遊歷前谿與後谿  
還乘月影上城西  
黃昏亂吠疏籬

犬靜夜遙聞茅店  
雞滿地煙浮孤塢  
去接天水漲小

橋齊一聲長嘯高風  
令人散更深鴉自嘯

離別行

行行重行行離人長太息繫馬綠楊邊相看心惻惻  
猶憶往時歡一刻千金值豈意交不終昨宵變今日  
新愁上眉梢舊恨填胸臆送君非一人妾淚自偷拭  
含糊數語中寸腸渾欲裂長亭起悲風荒郊落日色  
征人據雕鞍兩情都默默有心同君行恨不如比翼  
後會縱有期遙遙不可必淒涼對落暉目送情何極  
佇立未忍歸瞻望漸弗及分飛知有今何似不相識

冬夜偶成

雙臺堂傳集

函清節詩草  
卷一

三

貧病疇云不可醫寒衾偏我慣支持句從枕上得來  
好境向夢中幻出奇一醉憑教歲自暮長眠甯問夜  
何其明朝事至無庸慮消遣愁懷有酒卮

冬月

月影穿窗罅侵幃氣倍寒不宜檐下立只可枕邊看  
病中

欺人二豎底相侵閉戶連朝擁薄衾自昔怯寒今日  
甚向來多病此番深懶殘久不耽佳句清瘦何嘗爲  
苦吟貯得鵝雛空滿盞酒杯冷落幾曾斟

病起

病餘猶復廢饔強起推窗坐小軒深恨故人疎過  
從更無知己可談論負暄不耐侵風影閉戶何堪謝  
酒罇憔悴形骸君莫駭尚畱強健有詩魂

寒夜讀罷與老母話久熱酒飲之不覺漏下

四鼓矣因次李二半江冬夜讀書韻

攤書竟夕恣貪饗白髮穿鍼補敝袍相對瓶梅憐瘦  
影旋吹鑪火試新醪奇文合向愁中讀長爪真從癢  
處搔但祝慈親常好在紡燈夜夜伴兒曹

臘月初五夜聞雷

五更風雨似濤聲臘月聞雷百里驚豈爲軒騰甯耐  
久違時故作不平鳴

逸老堂雙柏同蔣三和胡侍御韻

秘書外監垂高風夢遊帝居逢仙翁黃冠念切四明  
山度爲道士辭王公騎馬歸來曾建宅響巖故址杳  
難卽獨畱蹤跡鏡湖頭堂開逸老長流澤碧桺穠桃  
遶月堤汀洲掩映清漣漪中有古樹雙突兀挺然覆  
壓當高祠扶疎老榦見來鮮天矯屈曲蒼龍偃空闊

邀將夜月多槎柯貯得春風淺松濤竹韻兩依依狂  
客夜深乘鶴歸風流長憶靜軒君餘音莫嗣遊人稀  
我來憑眺攜罇酒殘霞夕照留連久怪他競說放光  
松瞻言此柏曾何有春白雲深處自昔聽三太  
西冷旅夜外白雲深處  
歲暮誰還滯客身偏儂尙作未歸人淒其館舍夢魂  
冷黯澹燈花絮語頻晴雪半消因餞臘寒梅初放爲  
迎春計程元日回家裏好趁辛盤一洗塵

元日口占

從武林歸是日抵家

雙雲堂傳集 函清館詩草

卷一

五

薄遊纔得卸征袍客裏年光已暗逃齒長羞逢新甲  
子心蓬元是小兒曹

同人集雙桐齋分詠梅花拈得綠萼限用壁間

徐山陰韻

嫣紅姹紫喜兼收白雪還飛放鶴舟

和靖詩放鶴  
歸來雪滿舟點

就綠痕低襯玉藏將春色澹於秋孤芳自昔稱三友  
瘦影原宜傍十洲相賞惜當天雨後擾人清夢可勝

愁

答友

我豈能忘情卻弗爲情牽休疑十年後不似十年前

有感

古人重一諾今人重千金兩者較量看便成古與今

雙臺堂續集 函清館詩草 卷一

六

有感

豈能忘情卻弗爲情牽休疑十年後不似十年前

函清館詩草卷二

呈全太史謝山先生

聚談非一日，迺得識韓荆。花嶼新開講，柯亭舊有名。  
斯文知未喪，吾道賴先生。喜遂登龍願，應增十倍聲。  
窗前小松爲遊蔓，所困童子欲加鋤。削余沮止  
之，且告之意。

客心慕艱貞，栽松傍窗紙。濤聲未澎湃，月痕畱尺咫。  
雖莫干雲霄，參天實託始。一朝蔓忽生，纏擾松欲死。

松小蔓甚長，強弱不相抵。

仲冬之月，雙桐齋春蘭盛開，作詩賞之，限用鄴

山蘭市韻

花香何馥郁，豈是春已來。物候顧未換，稟列驚莓苔。  
釀雪積同雲，短晷行陸北。胡爲盆中蘭，偏有好顏色。  
三秋搖落後，草木都萎黃。孤芳爾獨賞，曾弗遲暮傷。  
圖消九九寒，春信已不遠。極盛恐難繼，栽培休閒斷。  
柳枝詞送蔣三計偕北上四首

綠楊煙雨正霏霏，送客輕舟繫石磯。此去長安春色

麗儘教柳汁染郎衣  
幾箇同儕落後塵卻如衰柳未逢春  
綠陰比及聽鶯日險韻分拈少一人  
柳陌尋春又及時逼人富貴促人離  
臨岐悵把長條折舊橐新添送別詩

遙想春光發上林建章宮畔綠成陰  
願郎直上翹材館柳絮飛時聽好音

讀張蒼水先生詩集

忠魂此日喚難還正氣長留天地間  
三復采薇風雨夜西湖千古接西山

二兄將赴江左出望雲小照索題和韻應之卽

以贈別

翹首停雲立水湄懸知異客念親時  
披圖惆悵臨分際爲誦當年陟岵詩

詠江瑤柱

得江字

昌黎食物紀南邦馬甲名垂著剡江  
孕就珠胎清獨絕剖來冰柱脆無雙  
蠓山豈竝供瑤爵海月堪同配玉缸  
香案有仙曾作傳想應咀嚼也心降

賦得殘霞動綺疏  
金蕊飄天柱  
石窗開四面  
曉靄透殘霞  
地接金庭迴  
輝聯玉几斜  
赤城標結綺  
丹穴象籠紗  
似繪封中纈  
如騰車上葩  
空明光莫定  
滉漾影交加  
吳客吟青瑣  
晴虛引興賒

月湖竹枝詞十首

南城佳景月湖頭  
紅蘂青枝豔十洲  
載酒凌波何處去  
先從花嶼恣春遊  
小雨芳洲潤白蘋  
水僊宮畔綠成茵  
踏青不礙遊人屐  
好向祠前拜季真

雙雲窩集 雨清館詩草 卷二

三

煙雨迷濛幾度青  
柳絲拂拂偏長汀  
移船且傍湖邊住  
滿地陰垂衆樂亭

簣管萬箇轟風梢  
掩映憧憧兩岸橋  
無數遊人來竹嶼  
晚涼愛看翠雲搖

鏡照堂前雲霧冪  
澄輝閣畔霧濛濛  
船搖獨櫓尋孤嶼  
半在煙光杳靄中

儂家住近慶雲邊  
秋到芙蓉豔豔鮮  
翠幄錦囊傳好句  
阿誰吟續汶寥天

尋翰都來冒雨遊  
傲霜金蘂遍芳洲  
天封古堦登方

罷採得寒香插滿頭  
蓬山瑤島映秋清  
十頃湖光一片明  
碧沚亭邊閒踏月  
扶筇如在鏡中行  
積照霏微逸老堂  
汀洲飛雪簇寒光  
釣磯葦岸人蹤少  
呵凍伊誰賦謝莊  
賀監祠前挺鬱蔥  
夢公堂畔聳虬龍  
松濤澎湃聽霜  
島如和城南夜半鐘

村居四首

漫嗤居只可容蝸  
漸遠囂塵頗不譁  
架上有書隨意

讀瓮頭無酒及時賒  
庭前碧草沿階長  
樓外青山入檻斜  
客至若能忘俗套  
黃蘂綠韭尚堪誇

四圍修竹繞吾廬  
一榻清風坐雨餘  
靜對花香拋卷軸  
閒乘酒興夢華胥  
苔深不礙遊人屐  
徑僻難容長者車  
銀鹿當關長不掩  
無煩白土滿門書

半廬儘可貯煙霞  
曲几方牀致足誇  
老樹風高長落葉  
閒庭春去尙開花  
齋魚佛鼓鄰僧院  
翠竹青帘傍酒家  
負郭輸他田二頃  
短垣掩映有桑麻

瀟灑襟期許孰同  
青鞵布襪步輕風  
泥融牆腳鳴蚯蚓

蚓雨歇樓頭現，蝦蟆柳貫魚。腮歸釣者，笛橫牛背樂。  
田翁箇中解得參禪法，斗室焚香萬慮空。

賦得山館聽夜雨

限七絕  
四首

燈花黯澹夢初醒，雨滴空巖溜石屏。應是山靈憐寂寞，故將幽響與人聽。

濛濛野氣浸疎櫺，那復當窗月共星。冷落空山今夜雨，只留猿鶴與同聽。

欵枕山花睡未醒，花魂此夜冷空庭。聲聲打徹芭蕉葉，枕畔疑將剝啄聽。

雙臺堂傳集 函清館詩草  
卷二

五

風雨瀟瀟孤館閒，松聲竹韻響潺湲。明朝扶杖溪頭看，新水多應漲一灣。

庭荷盛開李二作詩寄賞次韻答之三首

相對如逢洛水濱，清芬不逐豔陽春。三閭最是風流客，製就衣裳迥絕塵。

添得新泉溢小池，月明掩映水之湄。滿庭香氣風過處，一枕秋聲雨到時。

冰清玉潔費相思，謝後伊誰更愛之。聽雨有懷君記取，從今過訪莫遲遲。

得家大人閩中來書喜作

思親恨不身生翼海竟難航山莫梯客久懸知添白

髮書歸渾似獲朱提滴乾老淚悲亡女覓寫奇方寄

病兒

時大姊方天  
余亦病肺

數本黃花曾預種東籬佇待一筇

攜

自效書刼灰錄後

國步艱難莫挽回忠臣心不與俱灰竭誠未造真無  
愧遺恨中原未得恢願力共期扶帝室功名空自羨  
雲臺剩存一代興亡制史傳他年好取裁

詠史

雙臺集卷一  
函清館詩草

六

九死酬知己身漆炭亦吞寄語俠丈夫慎勿輕受恩  
欲築黃金臺請先自隗始馬旣值千金休問生和死  
自嫁良足羞太史計亦謬舉世盡趨炎况乃君王后  
學書旣不成學劍終無益早知天欲亡何須萬人敵  
只知赤松子不知狙擊人姓名尚勿傳安肯爲漢臣  
生女不生男緩急亦足用豈少丈夫志父冤見誰訟  
過華月麓宅悵然有作

憶從拜母始登堂月夕花晨聚首長壹自斯人捐館

舍到今滿目剽淒涼鼓琴歌闕庭花寂許劍言存墓  
草荒冷落酒壚添悵惘蕭蕭風雨黯斜陽

獨坐

鑪椀周旋處蕭然獨坐時閉門長謝客把卷自哦詩  
山鳥棲庭樹瓶花落硯池會心良不遠此意卻誰知

謝李二惠鮮荔枝

十八娘家夙擅名分甘多謝古人情玉肌丹暈鮮而  
嫩藍紫陳紅香復清美似青櫛應莫竝甜輸崖蜜可

誰京貪嘗不覺相思發遙憶閩南味更精

時家大  
人客閩

雙臺堂集

陶清館詩草  
卷二

七

題李甥承道家書尾

韶年生計足三餘須把蓬心漸次除莫爲偷閒疏筆  
硯好憑醫俗事詩書

門庭中落漫須論振起良由賢子孫大父遺書母留  
器先人手澤至今存  
斷齏畫粥外家風澹泊相依累汝躬但使漢書能苦  
讀夜分斗酒肯教空

汝父天涯奔走頻數齡弱弟未成人將傾大廈支非  
易努力書香要認真

讀書

破帳殘燈昔讀書自慚腹笥總空虛天公肯遂來生願乞墜人間作蠹魚

郊西

新水漲池塘開軒納晚涼香風何許發花放小南強

郊西

入秋景況最蕭條散步郊西興轉饒童子驅牛臨古渡老僧扶杖過危橋水深隔岸爭垂釣日薄前山罷采樵相值鄰翁期一醉竹梢短處酒旂飄

雙雲堂傳集 函清館詩草 卷二

八

題鍾進士捉妖圖

凜凜鬢眉意氣雄劍光透處血痕紅先生威武今何用魍魎公行白晝中

客有索將樂紙者分二帙與之

我翁前歲客興安魚卵攜來尺幅寬珍重故人分兩帙莫將半紙笑窮酸

娥楚病眼作詩訊之用白香山病眼韻二首

足音怪底虛空谷聞說雙眸似罩紗未許步兵青對酒應如工部老看花閉門謝客添清況信口哦詩是

作家茗椀薰鑪堪靜攝閑窗遮莫興逾賒  
筆墨睽違將半月病何易得愈何難清罇正可邀良  
友俗駕因之謝達官搦字暫教疎栗尾讀書休便服  
熊丸寄言此後須脩省莫再逢人白眼看

乾溪少年行

乾溪少年者郡中某氏家兒年可十七八與

同里某爲一人交且設香火誓無獨生尋所

交以病亡少年視含殮畢歎息語曰吾不敢

愛藐軀重違知已於地下遂痛飲吞藥而死

雙雲堂集 函清館詩草

卷二

九

郡中競傳其事咸謂少年死不得其當余旣

重少年爲鍾情人又念古所稱死友者舍此

更誰屬哉爰作長歌紀其顛末俾當世士大

夫見之知閭閻市井中竟有如少年其人者

乾溪少年美如玉韶華二九疑未足豪情俠氣千古

無讀書不成事于役唏噓憑弔燕趙間追論荆卿滋

痛哭結交豈惜牀頭金市上長歌誰擊筑遠遊無益

賦曰歸歸來鄉里奉慈幃花徑不掃今雨寂故知寥

落新知稀書生厭看白土滿指天示日真耶非落落

寰區誰當意十年空誦嚶鳴詩有客有客投桃李相逢便擬甘如醴生平雖乏一面交柴門開卻因君始殷勤拜母登我堂君長爲兄我爲弟香火重誓願勿違生則同生死同死秋風不仁秋草僵頓令弱質萎嚴霜破鏡上天弗復合交不終兮行自傷斬馬投刀憶疇昔言猶在耳何敢忘憑棺一慟氣幾絕願從地下毋拋將含殮親營喪葬畢涔涔淚點霑衣溼母在敢將身許人膝前有弟幸成立贈劔虛言羞巨卿伯牙絕調空消歇尾生尙不負女郎可爲知己違前日

潛沽斗酒發歌聲歌殘髮直衝冠纓一飲再飲心酸楚嗚嗚咽咽不分明丈夫甯弗愛七尺只緣急欲踐前盟死不可生生可死紅塵永謝隨長征噫吁乎死不得當未爲義要非鍾情曷克至鴻毛泰山須較量硜硜小諒甯足異匹夫慕義遂輕生當年恨不詩書事以此責君君何辭我亦無能一辭寘第思古今豈乏刎頸交生稱莫逆死便拋託妻寄子無難色氣誼已足人中豪世間死友絕難得幾人言不忘久要人生莫不有一死慷慨乃獨見此曹君不見島上英雄

五百輩初心誓不田橫背前古後今無異同不分優劣分顯晦我欲招魂續楚些揮毫落紙增感喟貞心烈氣喚不回一往深情千古在爲我播告天下俠丈夫乾溪少年原是市井徒

分賦李氏園亭得蔬畦

小築謀鋤圃幽居學灌畦通泉聊鑿沼屈竹試編籬野色繇三徑山肴足四時水廚畱餉客願擷佐清卮

二兄自江左歸

雁影分飛久茲當聚首時承歡眞足樂話舊轉添悲

雙靈鶴集

函清館詩草卷二

十一

託足無三徑棲身借一枝鄉風原澹泊卻勝在天涯

乙丑除夜

冬雪春風又一年挑燈聽角小窗前補神聊復陳杯酒送鬼休須結草船多病腰肢同沈約屢空況味等顏淵韶華狼籍親年老舊恨新愁兩惘然

自題小影二首

不衫不履傳真相非俗非僧少定評畱此風流舊模樣他年想見倍縈情

老父蕉林勤讀易大兄桐葉愛題詩儂心會得詩和

易日坐春風唱柳枝

時館  
慈水

有懷蔣四柳汀

時館  
慈水

去時疎影正橫斜桃李花開未返家爲爾荒涼詩世  
界致儂澹泊酒生涯地偏知道心逾遠室邇如何人  
甚遐咫尺芙蓉江上路相思倍覺夢魂賒

雙雲堂雪

家大人暨余昆季限廬陵不以鹽

玉鶴鷺絮蝶飛舞之類爲比仍不使皓素潔

白等字用坡公聚星堂雪韻并效其體各賦

一篇

雙雲堂集

函清館詩草  
卷二

三

一夜饕風震槁葉重陰釀出漫天雪輝凝小院冷交  
加影浸疎林清獨絕老松擎重項最强修竹壓垂腰  
幾折連璐垂珠西復東霑泥著樹生還滅擁鑪尙苦  
手欲龜把酒猶嫌肘頻掣聊從虛室聳吟肩對此明  
窗舒眼纈家庭樂事眞無窮冷淡生涯甯勿屑欣占  
麥穗兆三冬莫歎風花消一瞥聯吟愧乏同叔才白  
戰應如長公說詩成漫把楮箋揮凍合端谿堅似鐵

客窗坐雨同李月波半江限韻

兀坐聽秋雨推窗失遠山鄉心渾欲動別緒未能刪

翠影峯千疊清音水一灣家園風景似髣髴夢中還  
西泠訪蘇小小墓

南齊名妓蘇小小死葬錢塘蹤跡杳往來年少說西  
泠臙脂零落埋芳草我來西湖八月天暮山遮莫煙  
光繞斷碣殘碑何處尋六橋風月空縹緲好事爭傳  
油碧車誰與荒郊築華表歌臺舞榭不復存剩有白  
蘋與紅蓼一抔淺土臨道旁是也非歟莫可考枯枝  
敗葉擁黃沙畱與遊人恣憑眺邱山華屋何足嗟歎  
息香魂付渺渺杯酒應知不用澆小青以後知音少

雙臺傳集 函清館詩草 卷二  
三  
愚香謁張蒼水先生墓三首

尋蹤來至賽西湖斜日荒煙草色枯憑弔更無人跡  
到相逢祇有牧羊奴

神道重修于墓前鐵人新鑄岳墳邊先生名姓誰相

識畱得忠臣兩字傳

杭人呼先生墓爲忠臣墓

突兀孤墳鼎足排家僮幕客伴殘骸白猿可惜先期  
死恨不將來一處埋

寄蔣四柳汀二首

自昔論交結契深十年杯酒共聯吟風流髣髴還如

昨星散胡爲直到今寂寞荒村懷舊雨蕭條孤館憶  
同心暮雲春樹相思切何日芸窗慶盃簪

嗟予株守困青氈冷淡生涯君復然知己有懷應共  
白故人同病更相憐文章休用爭妍醜得失由他較  
後先終日馳驅無一獲莫將詭遇薄時賢

麓亭上人過訪畱宿齋頭夜話

竹燈明滅雨絲絲趺坐蘧廬話片時妙解直教空色  
相閒情甯獨喜文辭掃除蔬筍耽吟諷惆悵鶯花惜  
別離

麓亭將有  
武林之行

準擬來遊尋古刹燒豬沽酒預相期

函清館詩草  
卷二

古

麓亭之武林疊前韻送別

風光澹沲裏遊絲悵快難禁此一時送別底須頻酌  
酒臨分猶復索題辭布衾草榻畱佳話錫杖芒屨賦  
遠離清況不嫌齏與粥更陳鼎飯訂歸期

...

...

...

...

...

...

函清館詩草卷三

上范永澄半村

客有自南來者道及兒子文明聰俊可喜時方  
作家書卽於書尾寄之

敝裘羸馬滯燕都兒女長安憶解無本勝來時說阿  
袞右軍書就賜官奴青衿入夢關山遠蝦菜忘歸客  
況孤好爲清聲娛老鳳莫教豚犬被人呼

客中懷親

題補

在昔吾翁奪纛時木天深院有題辭兒來爲訪柯亭

雙靈菴集

函清館詩草  
卷三

竹爭指冬郎說畏之

萬里丹山客路遙清聲知憶鳳雛嬌爺今可免譽兒  
癖已爲春官敝黑貂

料得慈幃屬望深倚門鎮日盼泥金書來卻又叮嚀  
道只要平安足慰心  
書燈長共紡燈懸刀尺何曾輟暮年別後宵分衣白  
紉未知鍼眼喚誰穿

寄懷虛舟用坡公潁州初別子由韻

我方思故山君胡辭箕穎遲畱春明門兩度三伏景

功名黑貂做事業青氈冷差喜風雨聲蕭瑟聯夜靜  
促膝話離愁得句頗豪猛茲來潞河畔髣髴離鄉井  
咫尺千里遙歸夢苦易醒懷人憶雙鯉寂寞清晝永  
白雲望迢迢何當謀定省更香韓夫子非身貧願

寄內

丈夫四方志意氣慷以慨具此英雄心甯作兒女態  
長安珠桂艱誰爲解雜佩以此憶鄉里離別滋感慨  
屈指出門來星霜倏更逮菽水不及謀豚犢無暇誨  
家書昨日至寒衣猶未裁挑燈讀夜分愁城增百倍

雙雲堂集

陶清館詩草  
卷三

二

殷勤囑細君尺一覩縷載高堂雙白髮子職爲我代  
井曰躬苦辛米鹽事瑣碎幼稚煩提攜先後戒詬誶  
豈不念食貧甌無畱粟在而我藉硯田舌耕需筆耒  
氈寒裘敝時安能復顧內簪珥典一空荆布聊甯耐  
生計非素諳薄倖休我懟炊難巧婦爲泣念牛衣對  
慎勿見柳色頓起封侯悔或者韓夫子非長貧賤輩

憶家中小兒女各賜二十八字

挑燈夜讀西崑詞開卷讀到嬌兒詩吾兒之嬌竟何  
若美秀可得如袞師

次兒未足稱繩武病軀孱弱性椎魯細思碌碌正何  
妨阿奴會得全門戶唐詩吟不絕恨他惡臥踏布  
少子生性頗詭譎上口唐詩吟不絕恨他惡臥踏布  
衾襪被至今裏猶裂

有女生方一歲周阿爺便作燕山遊異時嫁女須囑  
女莫教夫婿勸封侯

壽某節母七十

題補

爲善從知報不虛古稀歲月飲冰餘鶯花來去忘時  
節熊狄辛勤慰起居自昔留賓曾截髮他年作吏定

封魚貞心一片原難老敢向樽前頌九如

雙雲堂集 函清館詩草 卷三

三

不悔辛勤誤此行此行熟悉此鄉情奇文格變翻爲  
正拗句吟工仄作平位冠三家村學究名齊四大老  
先生問余何日成歸計服若闕時便起程

司鐸禾中答某生

寒氈虛坐客空谷渺足音婦人不得近醅酒時獨斟  
飲少輒復醉醉後朗朗吟生徒列童冠環聚六七人  
相與樂晨夕聊爾居卑貧有客投我詩讀之開胸襟

促膝叩生平縱談空古今意氣殊壯哉高雅無比論  
自言苦飢驅奔走東西頻舉子業拋荒富貴忘致身  
今者發猛省願從問金鍼及此黑頭時尙未雪霜侵  
庶幾識途馬指示桃源津我始聞斯語感歎知交深  
旣乃忽驚詫面熱汗下淋少日讀父書十載困青衿  
春官凡五上踏徧軟土塵博得一第歸故物守舊茵  
只今來禾中間冷廁儒林旣無媚世姿又少結客金  
面目本來拙花樣安得新樛材遭眾棄而子獨見欽  
昌歌與羊棗嗜者誠何心勿以俳優詞賞我鄭聲淫  
邯鄲不足學脂粉不足勻孔顏有樂趣此樂君試尋

雙雲傳集 函清館詩草

卷三

四

面目疊觀劇韻

司空見慣杜韋娘坐客情癡幾斷腸比似夜遊須秉  
燭銀釭照徹黑甜鄉  
坐中泣下問誰多憐取琵琶江上歌一曲未終心已  
醉慨慷底待飲亡何  
玲瓏寶髻覆輕髻宛轉歌成分外嬌憶爲雙鬟曾畫  
壁旗亭豪興未全銷

輕敲檀板奏清新曲誤須知顧有人妙手周郎經點

鐵珍珠顆落圓勻

演出魚龍聲似雷燒殘蠟燭淚盈堆居然打鼓排衙  
處一樣逢場作戲來

但求免俗亦何能離合悲歡應念興須識梨園殊面  
目不關捷足競先登

蘭咳先生招飲仍次兩窗排悶韻卽席賦呈

已獲奇文賞還將大白浮人原澹如鞠舍卻小於舟  
雅誼叨醅飲高談慰旅愁襟期同赤壁那更俟歸謀  
堂階惟馬繫枳棘有鸞栖絳帳孤懸迴青山俯視低

雙靈臺傳集 函清館詩草  
卷三

五

喬松大槐坂多飯浣花溪絕勝窮幽險相從帶月躋

庚寅冬日茗溪官舍書懷  
襍被傭書二十年壯心消盡舊青氈選人門下輕毛  
遂排難城中慕魯連富不可求容我拙貧原非病受  
誰憐但愁歲月風塵老辜負鬢眉一悵然

食貧未得揜柴扉終爲他人作嫁衣此調不彈今已  
久若曹爲伍昨原非思魚可使歌聲歇設醴甯嫌酒  
力微差喜東塗西抹後緣深鉛槧尙依依

捧檄歸來鬢有絲烹鮮尙未及瓜時父書自昔徒能  
讀吏法於今正可師諛墓文章將母計授徒經濟入  
官資休嗤簿牒皆畱意美錦惟愁學製遲

荒園斜日獨徘徊撥悶閒將詩自裁煖酌南潯欣有  
酒寒侵東閣恨無梅

舍旁東昇閣  
日就傾圮

一池水涸蓬蒿積

四壁牆傾瓦礫堆總是官場同逆旅更誰相賞列亭

臺

曝背南榮憶故鄉雪殘繭屋臘梅香

余所居草堂  
顏曰繭屋

鑪

添楫柁圍兒女盤列肥甘卜壽康娛老未能隨杖履

雙雲堂傳集

函清館詩草  
卷三

六

浪遊轉使念風霜舌耕亟擬拋雞肋齏粥團圞話北  
堂

### 憶古北幕中事

曾從塞北跨征鞍雅荷將軍禮數寬一見便將韜略  
間相逢不作布衣看多年鈴閣依嚴武此後萍蹤戚  
范丹回憶柳林觀射處欲求知己似公難

太保吳壯  
愨公任古

北元戎時招余  
入幕極見器重

紅蓮幕下兩嘉賓

謂餘杭俞三亦蘇  
姑蘇王大脩符

青眼憐余誼最

親絮語一燈消永夜豪呼三爵結比鄰隨行碌碌輸

公等惜別匆匆戀故人

時余將作歸計

舊雨情殷言在耳他

年琴鶴敢辭貧

得家書

一紙書來自越城還將窗課共書呈平時那有譽兒

癖晚歲偏多舐犢情奔走他方餬口急愛憐少子去

鄉輕眼前羞對烏衣客裘馬翩翩稱後生

入都謁選畱別禾中多士

原詩佚

附錄受業李汝章次韻詩四首

唱罷驪駒暮靄生絲絲楊柳縮離情心懸北闕

雙臺堂傳集

函清館詩草卷三

七

三年久颿挂南風一葉輕澤及枯魚推廣廈扶將

大雅作干城宦囊莫道空無物千卷圖書已自盈

窮巷頻回長者車相將數勉惜三餘無端下詔徵

循吏從此何人慰索居爲政定知崇禮教研朱曾

見註蟲魚平生嗜學因成癖不聽張湛損讀書

經歲嘉禾化澤敷文章從古屬江湖絳帷夜月光

生席花縣春風歌載塗一任盤盂堆苜蓿由來意

氣重朋徒他年靈雨隨車處得似儒官閒散無

肯向閒曹老一甌斯文責重自虔虔心誠與物原

無忤才苟懷奇定見憐此去庭闈憲正茂他時士  
庶夢相牽蕭然琴劍駕湖畔錯認當年范蠡船

雙雲堂傳集

函清館詩草  
卷三

八

飛舟木葉辭音  
泉貝辭出  
六世孫  
蠶盈源校  
和士

函清館詩草卷四

甬上范永澄半村

五十初度述懷

荏苒光陰過隙駒百年歲月半云徂鬢眉忽漫居前  
輩面目依然是故吾學殖就荒慙祖父生涯難  
覓愧妻孥壯心消盡將衰候伏櫪悲歌敢自誣  
飄泊琴囊與劔函十年遠客滯歸帆寒衝絕塞風兼  
雪飽飫長安酸共鹹中秘書空存手澤廣文官僅博  
頭銜只今影息江村久贏得征衣換舞衫

雙雲室集函清館詩草

卷四

一

壯歲公車北上時戴星魂斷客中兒祭豐養薄嗟何  
及木靜風寧恨在茲家計漸充藜藿食門人終廢蓼  
莪詩父書讀罷方悽絕爛漫奚煩進嘏辭

曲江宴罷理歸裝蕙草春深映北堂樂事家庭原可  
羨勞心婚嫁不勝忙蹉跎捧檄輸毛義辛苦親春累  
孟光爲語兒曹齊努力泮芹采得抵稱觴

兒輩方應童子試

月湖風景最嫵媚坐擁皋比絳帳懸豈有經堪傳子  
弟相將硯可作農田識推老馬途爭問度望金鍼秘  
欲宣憶侍先人開講日到今屈指廿三年

虛名虛利兩悠悠轉盼瓜期事宦遊壯不如人行漸  
老貧原非病復何求晨昏肯爲三公易升斗祇因八  
口謀若使有田堪稼穡底須腰折始歸休

介壽情殷聚族人紛紛黍競相陳白眉愧殺交推

我龐叟居然許卜鄰

宗長宏濟翁今年八十姪德標亦年七十皆生於二月

孝

友睦嫻風俗厚弟兄伯叔笑言親獨憐仲也年周甲

望斷天涯一悵神

二兄客都門今年亦六十矣

富貴功名莫漫論夕陽雖好近黃昏板輿計日需將

母竹馬從今欲抱孫願了向平才及半位殊季子未

雙雲堂傳集  
函清館詩草

卷四

二

稱尊韶華至竟成虛度多謝鶯花發滿村

賦得冷官門外可張羅

用聯珠體

冷官門外可張羅剝啄聲稀少客過一榻昏沈酣睡

穩六時消遣醉吟多登場競演梨園戲轉眼都歸春

夢婆繫纜甯嫌舟獨小錦帆颺處有風波

位未能尊金未多冷官門外可張羅寒氈寂守蝸黏

壁醴酒叨嘗鼠飲河亦有客來貪看竹每從人去送

鳴珂臣心敢詡渾如水不耐清貧欲奈何

爲貧心事本無他臣朔其如不飽何都講堂前堪繫

馬冷官門外可張羅庭無案牘煩胥吏室有琴書足  
嘯歌我欲當關遣銀鹿悔教坐耗俸錢多  
錦片前程逝水波豪情俠氣盡消磨由來此席聲名  
重不信吾曹齷齪多薄宦家中方請粟冷官門外可  
張羅昨從長吏庭前過無限春風鼓太和  
不煩撫字與催科道是先生安樂窩打鼓排衙聲寂  
寞積書買磬事蹉跎頭銜博得隨紳笏心跡清於在  
澗阿逐兔追禽盡投止冷官門外可張羅

貧婦歎

雙雲堂集 函清館詩草  
卷四

三

貴家有妾玉琢成雲鬟鬢朵珠翠盈金蓮步蹴猩紅  
氈羣婢夾扶款款行青樓有娼裝飾巧粉黛輕勻眉  
澹掃綺羅叢裏逞嬌妍管絃聲中度昏曉可憐貧婦  
牛衣中裙無完布腸不充拾薪供炊薪刺骨淋漓割  
破十甲紅恨不得如貴家妾冬擁圍鑪夏搖篔恨不  
得如青樓娼納幣投金踵相接白髮老嫗前致詞阿  
婆少年身受之冰山倒後沒入官名妓色衰嫁健兒  
回首匆匆若春夢至今追憶成悲痛當年若作黔婁  
妻何勿甘心忍飢凍

竹枝詞

郎住溪東妾住西東西只隔一條溪勸郎夜半莫思  
妾月黑水深難奮飛

賦得人澹如翰

得如字

高士神堪繪東籬藥正舒孤芳誰結伴晚節獨憐渠  
對酒襟懷曠經霜氣味疏殿春輪芍藥觸熱勝芙蓉  
逸品曾無偶凡葩總不如我儀陶靖節三徑樂琴書  
九日挈莘姪登煙雨樓卽送其歸里

性癖耽山水十日五登涉蠻榼與清罇蠟屐無虛設

雙臺堂集 國清館詩草

卷四

四

側聞澗湖中層樓冠西浙陰晴多變態縹緲景殊絕  
臥遊憑地志魂夢每飛越恨昔奔走頻未此停舟楫  
坐使若三神可望不可卽比緣捧檄來載書駕一葉  
官冷曹更閒素心詎汨沒方欲窮幽險况乃入眉睫  
日者事趨踰頗亦勞簿牒帷車困新婦忽忽逾兩月  
因悟彭澤腰羞爲五斗折匪遽薄督郵恐負黃花節  
蕭晨際秋九阿咸行告別氈寒囊旣空無計實歸篋  
聊乘登高興與爾共怡悅泛泛鳴嘴船翠浪微風揭  
四面采菱人歌聲振林樾憑高恣臨眺風流未消歇

遙遙望親舍白雲半明滅以此詫鄉里亦足慰飢渴  
示莘姪一首用代家書

與爾同登煙雨樓片帆送爾返明州到家好慰門閭  
望道我能爲菽水謀幾處人情薄如紙數椽學舍小  
於舟會須得便封魚鮓賓至無煩截髮畱

秋夜獨坐遲餘杭俞秀才亦蘇不至

露白葭蒼候虛堂秋正深開罇成獨酌對月悵孤吟  
葉墜商聲急棋敲夜漏沈蓬窗人睡否應有夢相尋

此地

雙臺傳集清館詩草  
卷四

五

頻年負米出此地服官來有鮓應堪寄無花未許栽  
澹憐霜後鞠冷愛雪中梅亦復添豪興詩箋共酒杯  
庭前木犀一株因旱不花重九後得雨大放較  
中秋更盛感而賦此亦誌喜也

已過黃花節初聞丹桂香容華全未減遲暮又何傷  
寂寞一罇酒蕭條兩鬢霜及時酬夜月贏得好秋光  
黃葉二首和同官黃華陔

平林一帶染霜痕疎雨殘陽古寺門稻隴雲連秋漸  
老沙隄月照夜初昏花開籬畔分佳色路入江南認

舊村莫怪聲多時中酒草枯木落最銷魂

掩映溪橋覆繡塍居然雲蔚與霞蒸聽嘶陌上新愁  
集竹瘦江干舊恨增金谷樓高釵欲墜漢陽樹老鶴  
堪乘楓林坐愛殘秋景閒話何當續豈棚

楊秀才補堂以述懷詩見投次韻答之

馬帳傳經所鴛湖捧檄來此邦誇毓秀前輩號多才  
空谷音偏寂新詩手自裁何期桃李徑特地爲君開  
才子盈川裔殷勤綺紵通贈袍多雅意問字仰宗風  
莫爲浮名誤相期實學崇行看丹桂馥香發小山叢

雙雲集 函清館詩草 卷四

六

話到登龍日啣杯憶賞音九原知己絕一飯感恩深  
不盡西州淚難忘中散琴多君懷舊雨我亦欲沾襟

補堂鹽官人受知於亡友  
李半江詞多感痛故及之

官歎先生冷人憎儒術迂幾經泣卞玉差幸濫齊筭  
薄祿聊封鮪閒曹試綰符和歌欣見獵搜索愧腸枯

補堂過訪畱飲啜菜羹歸示絕句三首依韻答

之

玉屑霏霏錦繡鋪知君滋味薄郇廚菜根咬得香如

許敢把清貧止自娛

剔盡殘燈夜未央，尋行數墨費評量。妖嬈莫詫存餘態，已謝鉛華脫舞裳。

豚犬兒郎愧仲謀，事多不做願難酬。麻中應許蓬能直，幸傍元龍百尺樓。

學舍祀竈口占

冰廚逢晏歲，學舍舉鄉風。竈不因官冷，居然祀典崇。舍似舟般小，心誠水樣清。官衙須點綴，爆竹一聲聲。倚望煩慈母，燈前注念頻。遙憐兒女輩，茶話約比鄰。半載鴛湖客，微官守舊甌。須知數口粥，分貯已多年。

雙雲堂集 函清館詩草 卷四

七

聞道神曾降，情知願可償。盤中惟苜蓿，安得有黃羊。竈下趨雙僕，樽前侍兩兒。膠牙餇一碟，茶罷且吟詩。

壬辰除夕用文待詔除夕韻

飲罷屠蘇最後杯，官清如水冷如灰。聽殘夜漏年將盡，坐覺春風信已來。爆竹轟疑雷驟奮，梅花香逐雪先開。桃符換得新模樣，潦倒窮愁一例裁。

癸巳元日再用前韻

隔夜酣餘婪尾杯，燒殘蠟燭未成灰。頻年遠客求名出，此席微言秉鐸來。水煖鴛鴦紅日擁，門盈桃李絳

雲開荒齋事事都從簡怪底趨承不就裁

庭中綠萼梅盛放招集同官讌賞三用前韻

拚飲禾中水一杯肯教官冷意俱灰梅花看不禁吾  
輩春酒傾須速客來面欲俗塵三斗去心期懷抱一  
時開諸君鐵骨能爲賦願奏巴吟冀共裁

立春日四用除夕韻

漸覺花香入酒杯陽和消息驗葭灰驚心歲月堂堂  
去拂面春風款款來兩岸煙浮新柳茁一池水皺薄  
冰開滿前生意都成趣絕勝人工費翦裁

梅影

春浮東閣想丰裁紙帳香清夢乍回斜傍竹枝臨水  
見暗隨柳色渡江來月明元墓芳魂返雪滿孤山笑  
靨開休擬紅妝燒燭照冰肌只合映蒼苔

邀湘草鍊師小飲

子喬自昔號仙人跨鶴吹笙此後身俗相如君蠲已  
盡交情於我淡逾親五千卷在參能透三朵花開繪  
入神樽酒待從高士飲早揮羽扇著綸巾

課子

老覺將雛急情緣舐犢深及時期努力可但去蓬心  
服賈須將本爲農要有田傳家無長物只合守殘編  
學舍清幽地相宜是讀書三遷慈母意得近聖人居  
角里嘉名錫宣公故址存休教遊勝地專爲鳴餽飽  
滋味休嫌薄清風片藻香詩書供饜飫首蓓勝膏粱  
美秀傳無匹嬌癡憶衮師何堪嗤白老不稱義山兒  
官錦雖曾奪柯亭未得遊而翁不足學大父有貽謀  
不做吾滋愧空傷老大心三郎須決做庭樹視槐陰

送嘉郡幕官元棗村歸靜海

雙雲集卷四

九

梅花折盡柳條新惆悵分襟秀水濱  
蒹葭魚紫夢想芾棠膏雨憶官人  
百城坐擁藏何厚雙硯攜歸橐  
不貧宦海風波從此息布帆安穩達天津  
時宜不慣競鮮新願挈妻孥住海濱  
秉直終成強項令投閒免作折腰人  
鹿車共挽如初志雞肋輕拋守  
舊貧唱罷陽關三疊曲送君目斷綠楊津

三春雜詠二十首

春花簇簇護肩輿結隊迎春似貫魚  
夾道居民看官長問人新婦困帷車

少時騎馬學官人，不道官人只爲貧。會計牛羊都勿問，藻芹深鎖泮宮春。  
好待得春歸，蔓易圖。思魚幸免彈長鈇，設帳何須擁絳紗。坐上有時畱客醉，盤中首蓣儘堪誇。  
酒飽餐那要五香雞，筍燒燕尾甘如蜜。菜羹臺心爽若梨，小飲易謀三白。

宣公橋下水潺湲，角里街前市舶喧。來往秀州城外

路至今未喫鴨餛飩。

雙雲堂集 兩清館詩草 卷四

十

乍轉陽和未落梅，纔交二月便聞雷。此間絕少英雄輩，更有誰人失箸來。  
梅花開後杏花開，深院無人春自來。多謝東風憐寂寞，冥亂翻紅雨點蒼苔。  
廉纖小雨釀輕寒，手植名花徧藥闌。料得開時人且去，芬芳畱贈後人看。  
扶疏遶屋樹柔桑，桑下成畦菜子黃。住久不無三宿戀，難教恩愛竟相忘。

畫船簫鼓清明節蠻榼肴罇煙雨樓憶到燈前兒女  
話傷心遊子感松楸  
庭可張羅徑塞茅空梁燕子亦來巢朱門畫棟高如  
許底認荒齋是樂郊  
有客投詩乞救貧道旁相見總相親須知此日乘車  
者原是當年戴笠人  
政聲洋溢兩琴堂西縣庭閑東縣忙一種春風披拂  
地也分繁簡較低昂

我愛仙人王子喬月明時過韭溪橋春風何事偏多

雙雲堂集 陶清館詩草 卷四

七

厲不放閒雲慰寂寥

時王鍊師  
湘草方病

朋儕多半作儒官都講風流剩二難

謂蔣娥  
楚昆季

何日相

從雜黍約鑑湖春樹聽間關

東澗外一鷗春風楚

見說癡兒試冠軍蕙花映徹桂枝芬北堂爲爾添春

色那得開槭不色欣

良感時賦此日乘車

來時秋雨共秋風瓦礫成堆蔓草叢等是荒涼蹊徑

別可知凡事仗人工

粟燕干衣來巢朱門畫棟高

綠波擬泛一舟輕春滿鴛湖服未成昨日督郵行部

至相將束帶去郊迎

音會歡雨楚意怪獄簡良文

漫誇官冷得長閑  
小草年來已出山  
慙愧東塗西抹後  
又添新樣畫眉灣

小暑前二日王湘草以病起口占四絕見示次

韻答之  
罷靡塵尾據胡牀  
松院陰濃午夢長  
除卻安心無妙藥  
炎歊消盡北窗涼

道骨從來瘦不嫌  
吟懷況復苦無厭  
靈心妙腕應遭妬  
誰教工書畫更兼

世外逍遙病後身  
黃精紫蕨漫前陳  
箇中自有長生

訣雪虐風饕總是春

憶聞深巷賣花聲  
曾許攜柑約聽鶯  
杏子打殘梅雨

歇一番風月耀朱明

藥食筭

題補

爲愛淇園種曾參  
玉版師及蒲陳野  
藪薦味佐清卮  
雅有山林氣欣看  
冰雪姿何當燒晚  
食歎飯發蘇詩

失馬行爲俞秀才亦蘇作

昔日乘馬至今日  
徒步歸戴笠不足  
歎躡屩不足悲  
所嗟羣無良駑駘  
張虎威騏驥足難  
展驂驪暗勿嘶

伯樂尙相遇定與冀北辭念彼馮駕者貽誤類跡弛  
屋烏倩誰愛鳴雞將晨司壯盛志千里雌雄誰得知  
請收銅馬式峻坂看獨馳塞翁舒冷眼得失姑聽之  
莫待黃鳥去載賡白駒詩

題楊補堂荷鋤圖

帶經而鋤氣不寒扣角而歌聲不酸眉間大有精神  
色奈何欲戴方山冠書生未慣習耕鑿固應稼穡知  
艱難負郭但無二頃田隴頭安得長盤桓亦有新穀  
糴五月剗肉醫瘡空浩嘆妙手寫生只寫意肯令塵

雙雲堂傳集 函清館詩草  
卷四

三

俗擾筆端丈夫既具出世姿傳神那比畫牡丹作此  
蒼茫獨立態本謂富貴欠面圍位置縱合高士品入  
眼豈耐時人看願君除卻頭上笠努力青雲振羽翰  
他年方丈陳水陸辛苦定識盤中餐待尋遂初賦歸  
來任人圖作屏風觀試約耆英會洛社與君擊壤相  
爲歡

題夏秋澗曉風殘月圖

漫誇筆墨化雲煙顧影爰知祇自憐我愛禾中夏秋  
澗風流不減桺屯田

十年辛苦據征鞍馬上曾經續夢殘孤負許多好風  
月輸君畱幅畫圖看  
百寶有感

錦瑟年華逝水波壯心莫更問如何罇前興致緣愁  
減客裏光陰任隙過劍俠狗屠雙寂寞重陽寒食兩  
蹉跎消磨不盡英雄氣中夜聞雞感慨多

正襟題耕雲道人小照  
向日慕君名兩載於茲未識荆近日得君畫李子沁  
碧將來送我行慕君之名恨不覲君面得君之畫髣

雙雲堂傳集  
函清館詩草  
卷四

十四

髣君生平仙風道貌宛然在山水之間夢寐縈昨日  
夏秋澗手持行看子索我一寫疇昔愛慕情披圖對  
五嶽骨瘦神愈清源頭尋活水水到渠自成文字妙  
契五千卷俗韻何由從君賡顧此鬢眉難下筆惟有  
展君之畫默會而經營乃知取勝卽在澹逸處畫中  
有詩詩無聲用是信手揮毫題幀首博君醅醕一醉  
百寶傾

送別王思廬同官乞休歸里

黃精味美茯苓香千樹桃花繞石梁此地一枝原是

借故園三徑肯教荒紅衫竹馬供娛弄都蔗蒼官足  
比方看取屏風儘圖繪競傳佳話溯鱸堂  
杯酒寒飈迭唱酬雲天高誼勿同舟十年化雨心無  
倦一夕秋風官卽休共羨耆英歸洛社空教絕技憶  
台州錢江東去吾鄉近慙愧菰蒲負夢遊

林田放歌贈朱端衡

木有癭犀有通取妍於人病則同世間知已最難得  
好事不遇將終窮鱗魚味美枇杷甜多刺多核爭相  
憐誰謂才如曾子固下筆不能成詩篇我生不識西

雙雲菴集

函清館詩草  
卷四

五

施面安必西施美而豔自來愛憎總由人何論肥環  
與瘦燕朱生朱生爾試思富貴致身須及時瓦全玉  
碎且勿問故物先還喜可知我不願爾歸至洛陽道  
相印恐嚇蛇行嫂亦不願爾封拜右北平殺卻醉尉  
然後行但願長下書帷如董子腹中便便貯經史日  
試萬言不難倚馬就誰惜階前盈尺地吐氣揚眉激  
昂青雲不爾使朱生朱生近前聽我歌我今老眼爲  
爾方摩接待持千金報一飯不知淮陰少年視之又  
如何

夏夜閱遺山詩至感興一首有五十二年等閒  
裏之句悵然有作卽次其韻

壯年射策氣凌霄辛苦曾經敝黑貂三復孤吟成感  
槩一般雙鬢歎飄蕭青氈未了詩書債絳帳深慙聘  
幣招山館卜居閒亦好夜涼風動竹瀟瀟

題王西澗仙都小憩圖

烏巷風流客鬢眉見此圖天教餐苜蓿仙吏在仙都  
旣采神仙藥因成宰相書人言官獨冷瀟灑更誰如

題吳秋浦望岱圖冊

雙雲集南清館詩草  
卷四

末

策蹇何爲者峩峩仰岱宗曉風殘月裏遮莫盪心胸  
齊魯青未了寫作無聲詩底須登絕頂天下小方知  
髻齡曾過此髣髴舊雲煙夢斷青齊路於今四十年  
歎息君尊甫寒氈長物無何當豐宦橐繪幅栝蒼圖

爲某太守作題補

喜雨

秋至難堪暑氣蒸片雲晴日幻陰冥涼生小閣侵帷  
榻響滴空階潤屋瓴千頃良苗蘇禹甸一痕曲水漲  
蘭亭農歌起處爭相慶指點西疇入眼青

驅蝗

使君經濟本來饒肯聽閭閻戾漸遭水欲逆流俾入  
海火真難犯爲驅蠲翦除及早圖原易撫字方殷力  
更勞從此不憂飛入境野田遺孽已全燒

方旱之時喜逢甘雨高對峯明府招集同人賞

荷卽席賦此

雨洗千山眾綠生垂簾官閣有餘清開罇喜趁鳴琴  
暇折簡招看濯錦明珠顆飄隨紅粉墜酒香刺取碧  
筩傾叨陪幸得居安邑可但豬肝繫客情

遊雙龍洞作

雙臺堂傳集  
函清館詩草  
卷四

七

怪石誰將斧鑿穿空靈一室磬長懸窗開東壁通風  
日穴透西谿汨水泉洞口雲歸龍在礪山頭兩歇鳥  
衝煙葛衣坐久渾忘暑無事披襟始快然

鑿破雲根一穴開  
葦頤隱約鑱莓苔  
桃源有路津堪  
問俗士無緣駕且迴  
琪樹珠條空髣髴  
清泉白石久徘徊  
歸途欲作癡龍辨  
枉費張華博物才

劉明府招集同人遊雙龍洞同年朱笠亭作長

歌紀其事依韻率成

我家海東天盡處候濤俯瞰馮夷宮蛟門夜靜列雙  
炬龍睛四射燈熊熊有時攬身最高頂意氣直欲凌  
長空探竒下走仙人巖奔潮激撞聲如鐘四明九題  
亦大觀石窗晻靄殘霞通落迦耳食古潮音勿違破  
浪契禪宗天台日出更竒絕眼光照耀海水紅自慙  
遊屐踏未遍興公靈運空流風昨來路出七里灘兩  
山青削金芙蓉蘭江上溯通濟橋石塘鳴瀨響琤琮  
八詠樓高接婺西蕭然傳舍林木叢神君政簡多餘  
暇招邀賓佐雜樵農欲窮洞天三十六謂宜靈秀先

獨鍾層巒疊嶂互攀附稻畦繡錯羅心胸疑墜不墜  
石磊磊欲雨不雨雲濛濛豁開一室眾峯裏似曾斧  
鑿經芟藺有泉出自雲根下有牖闢向石壁東摩按  
碑碣駁苔蘚翁洗乳液藥贖聾傳聞別有一天地仙  
源只在鳴竇中好事乘幽秉燭入偃臥僅足容藐躬  
紆回曲折達三丈漱玉時若鳴冬風琪樹珠條紛眩  
目爛柯歲月嗟倥傯百年水漲復沙淤土人欲奏疏  
鑿功我思遊覽貴適興風浴隨意偕冠童三神可望  
不可卽妄擬壺嶠終惜惜力非五丁冀撼山山靈應

笑心猶蓬況乃物理有通塞強作解事誠何庸待當  
水落石漸出乘桴臥遊還過從會須遍歷十二城雲  
窗月地窺重重居然仙府闢人境招呼猿鶴鄙不豐  
歸途莫愁腳力倦暮山煙鎖尤蔚蔥主人雅擅博物  
才惜未入穴見癡龍適逢退食理鳴琴爲我一鼓風  
入松鱗殿時留餘草平對別樹綠風草千絲劍射  
永日隔院聞歌

絲竹中年感慨多客懷無那聽笙歌耳邊響逐天風  
落窗外聲隨夜月過已覺青衫溼爾許底須紅袖問

如何幾回欲畫旗亭壁可道雙鬟是爾麼

因清館詩草  
卷四

九

永日閒庭樹蕭疏滿院聲獨吟無限恨遠客不勝情  
茶沸鑪煙細茵鋪砌草平倦眠淒絕處卓午綠陰清  
永日偕吳蘭咳先輩金樊圃同年暨陳君光耀  
編敘真王子存古遊南明山卽事  
西風速客命中車約伴登高引興賒令節自應浮綠  
蟻荒城何必問黃花傳聞木嫁真堪怕博得身輕致  
足誇所恨白雲空遠望茱萸插處倍思家

郭外溪流繞一灣渡頭遙見聳煙鬟  
籃輿轉入巉巖上蠟屐徐行  
晻靄間石駕飛梁虹影落苔  
侵斷碣蘚痕斑僕夫不解秋  
光好苦苦催人早出山

蓮城書院作

好山好水擬來看踏遍蓮城興漸闌  
雄長一方堪自大居停半壁屬偏安  
酒非趙璧求還易書比荊州借更難  
碌碌因人成底事馮驩長鋏不須彈

襄校郡試卷贈某郡守

題補

下榻莎廳意倍欣使君風雅似蘇髯  
登樓興發乘涼

雙雲堂集

函清館詩草卷四

十

月据案吟成拂素縑小試門前桃李在

時方試屬邑童子

大

名海內斗山瞻蠡城他日徵文獻吏治詩才兩得兼

更賦雨窗排悶次吳蘭陔韻

吳越不取韻

連天霉雨驟遍地浪花浮勢若潮崩岸居同纜繫舟  
堂虛遊屐寂米貴旅人愁廣廈知難得歡顏孰與謀  
巨浸幾遭厄高枝幸借栖遙瞻平野闊俯瞰陣雲低  
水自歸河海流先滿壑谿千山飛瀑好看盡省攀躋

次金樊圃遊南明山舊作韻

風塵僕僕走頻年浪遊謝絕山水緣  
傭書襍被寓枯

嶺送來青入幃榻前見說南明美林壑耳聞起舞常  
蹠蹠趨走每愁腳力倦登臨時恍他人先招邀知己  
乘暇日但博騎鶴勝腰纏野航斜渡一灣水芒屨直  
造百尺巔峭壁中分石梁臥鳴湍飛濺瀑布懸金身  
忽從地湧出拈花一笑成自然高陽古洞更幽邃置  
身恍在物外天廣文先生禾中彥清詞依約出水蓮  
歸來示我舊遊作讀之筆墨化雲煙憶昨謬司鴛湖  
鐸兩年飽酌鴛湖泉春波角里恣往返至今回首情  
猶牽世間勝事難再得鬢毛轉盼黑不全及時行樂  
須秉燭未應閉戶守枯禪待當紅葉滿山徑約君重  
把襟袂連

春日寓齋遣興

曉日臨窗一榻斜先生睡美興方賒枕邊客夢驚  
嗁鳥門外春聲叫賣花做盡征袍寒乍減設來醴酒味  
堪誇欲知眠食今何似贏得疏慵日漸加

客中憶及掃墓之祭

題補

冷落松楸憶墓田露濡霜隕倍悽然遙憐祀事脩今  
日追念驚魂斷昔年遠道末由能縮地此生遺恨抱

終天九京有路空依戀清夢何曾到膝前

餽口依然走四方祭豐養薄兩心傷防山風雨悲修墓彭澤田園愧肯堂故物書空存萬卷遺言事未做三郎深慙子職多虧處豈獨生前缺奉觴

丙午重九日偶成

宦遊三晉地十度遇重陽白帝乘時令黃花負故鄉龍山賓滿座彭澤酒盈觴勝事都蕭寂登高興未忘

歲暮書懷

歲華轉眼去駸駸鏡裏頭顛白雪侵薄宦十年成久

雙雲堂集

陶清館詩草  
卷四

三

客故園三徑滯歸音囊無長物添清況案不勞形愜素心但使有錢山得買何須隨鶴與隨琴

馳驅無日息征鞍待得歸休臘已殘問俗可能衣食足入疆幸博井閭安盤根事業輸虞詡塵甑家風嗣范丹欲識明年在何處雁門關外朔風寒

三  
奉檄勘裁中秋日自渾源至應州道上作

邊塞清秋府時方近苦寒人從恆嶽至月在應州看田野蒿萊徧朝廷惠澤寬鄭公圖可繪行路敢辭

難天

左遷 題補

六世孫 盈浩校

薄宦遊全晉周流十二年政聲民有口家計士無田  
戀棧非長策懸車值左遷就荒三徑在不用買山錢  
邑試示諸童子文章不厭勤業誓日回曾公  
琴堂濟濟集羣英環繞庭階蘭玉盈此日風檐勤努  
力異時藥榜看題名棧枝雛鳳雲中彩食葉春蠶筆  
下聲嗟我麻衣難再著空教見獵喜心生

月朔局試望日分題自甲辰四月始近課諸生  
所業漸有蒸蒸日上之勢而鄰邑有志之士

亦皆聞風而來作此誌喜并以獎勵多士

雙靈臺傳集 函清館詩草  
卷四

三

垂簾只在放衙餘槐午清陰坐擁書積案漸稀三載  
牘到門常有四方車蕭閒吏室談文字冷淡官廚供  
糲蔬莫詫老生勤講授丹陽南學又何如  
鷺城烏谷應唐都三晉雄封此一隅魏戍河山存帶  
礪王通鄉邑屬榜榆文章不獨傳鴻業科目何曾失  
鉅儒轉盼秋鷹摩健翮搏風萬里學鵬圖

六世孫 盈浩校

